

Vnd das ist eben die vrsach / das die Cal-
vinisten des HErrn Christi wort / der doch
bis Sacrament eingesetzet hat / zugebrauch-
en bedenkens tragen / weil dieselbe in ihren
Kram nicht dienlichen sind.

Was weiter disputirt wird / ob die wort
Christi / Das ist mein Leib / zu jedem Com-
municanten sollen gesprochen werden / ist ein
vnnützes grübeln. Denn ob es wol nicht ohn
ist / das die wort der Einsetzung vor der hand-
lung des Abendmals gelesen werden / Vnd
dann / wie D. Luther recht vnd wol schreibet /
die wort des Predigers / den Leib Christi nicht
vermögen mit dem Brot zuvereinigen / son-
dern des HErrn Christi Allmächtige ver-
heißung solches wircket / So ist gleichwol zū
höchsten von nöten / das bey außspendung des
Sacraments / einem jegliche Communican-
ten / durch diese oder dergleichen wort : Nim
hin vnd is / das ist der Leib Christi / für
deine Sünde gegeben) die Lehr von dem
Wesen vnd Nutz des Sacraments / desto
mehr gestärcket vnd vergewissert werde / auff
das er desto weniger zweifle an der waren ge-
genwertigkeit des Leibs vnd Bluts Christi /
an vergebung der Sünden / vnd allen andern
guthaten / so vns durch Christi Todt vnd
Blut